



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

§. 46. Badense Colloquium contra Zwinglium.

---

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

Sæcul. XVI. *imo nequidem Paganorum liberi ob originale peccatum æternæ damnationi alligentur.*  
 A.C. 1526.

Ubi autem Zwinglio centena sacrae Paganæ testimonia opponerentur, in quibus disertis verbis adstruitur, nos Baptismo salvari, nostraque peccata ablui, jam nodum dissolvisse arbitratur, dum respondet, in hisce locis Baptismum accipi pro sanguine Christi, cujus signum est, adeo, ut per Baptismum ex se nullum peccatum tollatur, nec gratia conferatur: „Sanguis Christi, inquit, remittit peccata, non ergo Baptismus. „ Ægre post Julianum Pelagianus, qui Zwinglio deterior sit, pejusque sentiat, reperire poterit; hi enim saltem admittebant, Baptismum adultis conferre gratiam, atque peccatorum remissionem: Zwinglius vero utrumque negat.

§. XLVI.

*Badense Colloquium contra Zwinglium.*

Cum Helveticæ Tribus nondum hisce erroribus infectæ majus a Zwinglianis, quam a Lutheranis periculum subirent, nihil non agebant, ut urbes suas a nova hac secta præmunirent. Insuper jam dudum Joannes Eckius præsentibus Helvetiorum Magistratibus cum Zwinglio in arenam descendere peroptabat, ut

ut perversa ejusdem consilia, quæ apud Tigurinos exequeretur, penitus everteret. Enimvero hujus Pagi Magistratus Eckio securitatis literas offerebat, quibus munitus Tigurum accederet; cum vero ille probe intelligeret, quod ipsi molestia crearetur, nec ullo pacto ibidem tutus esse posset, hinc urbem, in qua Religio Catholica floreret, designari postulavit; sed repulsam tulit. Postmodum reliquæ Tribus hoc anno ad mensum Majum in Baden Ergovix oppido disputationem indicebant, ad quam utriusque partis celebriores Theologi venire rogabantur, sponsione facta, cuicunque plenam agendi dicendique libertatem esse concedendam. Adfuerunt ex Catholicis Joannes Faber, Joannes Eckius, & Thomas Murnerus, unacum Oratoribus, quos Constantiensis, Basileensis, Lausanensis & Curiensis Episcopi, ad quorum Dioceses Helvetiorum Pagi pertinebant, eo ablegarunt. Ex Sacramentariis, seu Zwinglianis interfuere Joannes Oecolampadius, a Zwinglio missus, eo quod ipse nulla fide publica adduci potuisset, ut veniret, variis obtentibus absentiam suam excusans. Præterea adveniant Jacobus Imelius, Bertholdus Hallerus, & Henricus Studerius. Itaque cum his disputatum est ab Eckio

Sæcul. XVI.  
A. C. 1526.

Cochl. l. cit.  
pag. 151.

Spond. hoc  
ann. n. 16.

Surius in  
comm.

Sæcul. XVI. multis omnino diebus, præcipue de  
A.C. 1526. Eucharistiæ Sacramento.

Celeber iste Doct̄or suam disputatio-  
nem ad septem revocavit propositiones,  
quæ erant sequentes:

*I. Verum Christi Corpus, ejusque san-  
guis præsentia sunt in Sacramento Altaris.*

*II. Eadem & vere offeruntur in Sacri-  
ficio Missæ pro vivis, & defunctis.*

*III. Virgo Maria, aliique Sancti Cæ-  
licolæ invocandi sunt tanquam intercessores.*

*IV. Domini nostri Jesu Christi, ejus-  
que Sanctorum imagines delendæ non sunt.*

*V. Post hanc vitam purgatorius est ignis.*

*VI. Pueruli etiam Christianorum in pec-  
cato originali nascuntur.*

*VII. Baptismus Christi, non Joannis,  
tollit originale peccatum.*

§. XLVII.

*Hujus Conventus Decretum pro  
Catholicis.*

**H**arum propositionum veritatem Ecki-  
us solidis adeo argumentis compro-  
babat, ut congregati adversus Lutheri,  
& Zwinglii doctrinam decretum ederent,  
quo interdictum, ne ulla fieret immuta-  
tio in Sacrificio Altaris, Sacramento-  
rum

*Cochl. 1. cit.  
pag. 153.*